

Islas Marianas para Trening yan Testing umentâyin EIS/OEIS

Matsu Dos Mit Benti Sies (2026)
www.nepa.navy.mil/mitteis
ID#-EISX-007-17-USN-1744382878



I hutnalerun militât debi di u fan preparâu para ma opi maseha hafa na asuntu ginen i anchu siha na interes yan chat inakomprendi esta i man prubeniyan asistimentun hinerât tâotâo yan asistimentun ira siha yan lokkui proteksion i tasi gi enteru et mundo. I suetti yan sinafun i membron i sitbisiun militât ha diependi gui' gi magâhit na trening siha anai mana' fan sesetbi i presentu siha na makiniran "technology" nai siña nina' fan prepapâo para u ma akudi i ginagagâo na aksion plaitun dibuenamenti. I makuntinuan che'cho' dinanchi yan komplidu na trening hana' siguru na i batkun aire yan batkun tâsi yan kosas makiniria man pronto para ma na' setbi yan i hutnalerun militât man preparâu para u ma cho'gui i ginagagâo na opbligasion ñiha.

I militât para ma agun estudiayi, abansa, chagi osino "test" yan ebaluha, kumo ma (referia para aktibidât "testing") lokkui' kritikat para makuntinua ya u preparâu. I dipattamentun difensot "gera" para u ma kontinua umagun estudia ya u ma fa'tinas nuebu na klasin makinarian atmas ya u mana' siguru na i militât Amerikanu u ya mo'nana i kapasidâtña gi hilo' tâno'. Esti siha na makinarian atmas debi di u fan ma chagi "test" yan u ma ebaluha antis di i u guaha inaŋgoku gi militât para i presentu na tiempo gi tano'.

I dipattamentun i nebi, inklusu i nebin Amerikano yan i Marino; i Air Force, i Armin i Amerikano, yan lokkui' i Kos Guard, (komu mas matuŋgo'-ña-"Gurupon Aksion" ma prepâra ya u ma umentâyi para i Dos mit kinsi "2015" Islas Mariana na trening yan testing (MITT) i ma deklarâ para u inefekta gi oriya (EIS)/Otru bandan tâsi EIS (OEIS) yan lokkui' i dos mit benti (2020) MITT para ma umentâyi EIS (SEIS)/OEIS anai siña ma ebaluha hafa para u inefekata gi oriya ginen i ma proponi na aksion yanggin ma kontinua mo'na i aktibidât militât anai para u napan listu siha gi hilo' tâsi yan giya Farallon de Medinilla (FDM) No'os gi halom i MITT na lugat inestudia (ma referia kumo lugat inestudia). I propositun esti na priniponin aksion, para u mana' siguru na i setbisiun militât Amerikanu, para u inklusu i U.S. Coast Guard, na siña ha oganisa, ha trening, yan para u guaha makinaria para i membron i setbisiu siha yan i tâotâo ñiha siha anai siña mafa'tinas i ginanagâo i checho' ñiha.

I ma proponi na aksion yan i atagueña

I ma proponi na aksion para u kontinua i aktibidât militât gi asuntun linistu osino pronto gi halom tâsi yan giya FDM gi hâlom inestudian i lugat (figura uno). I aktibidât militât gi asuntun linistu osino pronto inklusu i trening, umagun estudia, ma abansa mo'na, ma chagi mo'na, yan ma ebaluha (komu guiya i para un chagi "testing"); yan i lugat ma maki gi mas takfe'na ya siña un susteni para pâgu na tiempo. I propositun esti i ma proponi na aksion para u na' siguru na i setbisiun militât Amerikânu, inklusu i "coast guard", anai siña ha oganisa, ha fa'na'gui yan ha na' fan preparâu i membron i setbisiu yan tâotâo ña siha para u fa'tinas i hafa ginanagâu ya un difendi i nasionât na mision. I rason na i aksion ti ha proponi tinilaika gi aktibidât hilo' tâno' giya Guahan, Sa'ipan, Tinian yan Luta anai ma analisa gi halacha gi Dos Mit Kinsi (2015), sa' i sumupopottâ na aksion ti para u agun ma analisa i aktibidât hilo' tâno guini gi islas siha pot asuntun SEIS/OEIS. Eyu i esta munhayan ma cho'gue gi Dos Mit Benti (2020) na SEIS/OEIS, i sumupopottâ i aksion ma agun chocho'gue ya mas man nuebu na tinilaika sigun gi ma analisa para i aktibidât ma proponi gi hilo' yan i oriyen FMD.

I sumupopotta i aksion ma kumite siha na para u ma kumpli i hafa ginagagâu gi lai yan regulasion fedirât. I nebi (navy) ma aliligâu para u ma agun ma lisensia ya u ma aturisa gi papa' i aktun proteksion i ga'ga halom tâsi (Marine Mammal Protection Act (MMPA) anai siña ha supotta i hafa ginagagâu gi linistun militât gi hilo' tâsi yan gi hâlom inestudian gi lugat dispues di Julio Dos Mit Benti Sieti (2027).

I sumupopotta i aksion ma analisa tres na atagueña i timunhahayan na kopian SEIS/OEIS:

- **Taya' Atagueña na Aksion:** I sumupopotta i aksion ti para u kondukta pronto i aktibidât militât anai man sisiha yan i ma proponi na aksion gi halom i lugat nai para ma estudia. Esti i atagueña ti hafa'tinas i eskarelan i propoitu yan i nisisidât para i ma proponi na aksion yan i MMPA na lisensia ti para u ma renueba ginen i Nasionat na sitbisiun Marinerun Guihan (National Marine Fisheries Service).
- **Atagueña Uno (I mas ma apreba na atagueña):** Gi papa' esti na atagueña, i linistun aktibidât militât para u masusedi gi rasonapbli na tiempo mo'na. Esti na atagueña a'anok i eskaleran representasion aktibidât kada sakan anai siña un tufung kada kumahulu' yan tumunok i numerun aktibidât sikeyu' trening yan testing.
- **Atagueña Dos:** Esti i atagueña inklusu i aktibidât linistun militât parehu yan i atagueña uno lâo guiya ha' i mas tatkilu' na eskaleran aktibidât anai siña masusedi kada sakan gi halom sieti âñus na tiempo.

Analisa todû i Oriyan Lugat

I sumopopotta i aksion ma ebalua i oriyen lugat anai siña gu muaha pulema gi ma propoponi na aksion gi lugat i frenkas siha gi papa' i difinision i NEPA inklusu:


- | | | | |
|---------------------------------|-----------------------|-----------------------|---------------------------|
| • Kualidât i hanom yan i bagâsu | • Lugat i ga'ga' tâsi | • Kulepblan tâsi | • Frenkas Sosiak Ekunimia |
| • Kualidât i Aire | • Hagan tâsi | • Guihan | • Hinemlo' yan Sinafun |
| • Fan maigu'an gi tâsi | • Paluman tâsi | • Ulo' yan sagan Ñiha | • Pupbliku |
| | • Cha'guan tâsi | • Frenkas Kuttura | |

I ti komplidu "draft" na EIS/OEIS inklusu lokkui' i ma analisa na midida anai para u suhâyi, rebaha, osino alekgra i hafa para u inefekta i oriyen lugat ginen i aktibidât militât. Para mas infotmasyon pot esti hafa siña para u inefekta gi bandan frenkas gi oriyen lugat siha, pot fabot repasa i ti komplididu trabiha na EIS/OEIS, gumaige ya siña mama' kopia hao gi www.nepa.navy.mil/mitteis.

I presentasion gi halom i komputer (virtual)

I ma proponi na aksion ma epok hao para un bisita i che'cho' gi "website" gi www.nepa.navy.mil/mitteis para un li'e i presentasion gi halom komputer anai siña un tuŋgo' mas i ma propoponi na aksion yan i atagueña nai ma analisa, i hafa siña u inefekta i oriya, i propiadât istorian antigu, i National Environmental Policy Act (NEPA) yan i National Historic Preservation Act (NHPA) Section 106 processes, yan i oputunidât nai mana' fan saonao i pupbliku. I faktu na dokumentu mana' guaha gi fino' English, Chamorro yan Carolinian.

I inestudian lugat MITT taya' tinilaika ginen i ma konsidera gi Dos Mit Benti (2020) anai ma analisa todū i oriyān lugat.



● **Figura Uno (1) Islas Marianas Inestudian Lugat Trening yan Testing**

I sumopopotta i aksion para u kontinuha mu implimenta i midida anai para u suhayi, rebaha osino alekgra i hafa para u inefekta i oriyān lugat ginen i aktibidat yan linistun militat gi tasi.

I pupbliku man ma kombibida para u ma ripasa i ti komplidu na (draft) SEIS/OEIS yan para un na' halom maolek yan lamigai na opiñon gi ma propoponi na aksion, i ma analisan i oriyān lugat siha, yan hafa i che'cho' siña ha ifekta i propriadat frenkas estorian antigu nai ginagagao gi Seksiona 106 gi papa' NHPA. I rinipasan pupbliku yan i tiempun opiñon ha supopotta i konsuttasion gi papa' Seksiona 106 gi NHPA yan i para ma implimenta gi regulasion, kumo kombiti i membron i pupbliku para u fan patisipao ya u fan man na'i opiñon osino u fan mamaisin kuestion nu i propriadat frenkas estorian antigu. I pattida nai ha na' annok intiresña gi hafa para u fan ma cho'gue nai para u inefekta i propriadat frenkas estorian antigu siña man mamaisen para u halom komu pattidan man na'i konsuttasion i papa eskalera Seksiona 106. Pot fabot bisita www.nepa.navy.mil/mitteis ya getik i "Nasionat Aktun Antigu Konsetba Seksiona 106" anai siña mamaisen hao mas infotmasion gi bandan eskalera yan i cheche'gueña esti. I Nebi, kumo guiya i kabesa na kuetpo ha tutuhon i konsuttasion gi papa' seksiona 106 ya para u kompli gi Dos mit Benti (2020) Guahan yan Dos Mit Benti Dos (2022) CNMI i programan kontrata anai para u afakcha' yan i ofisanan Estorian Konsetba yan lakkui todū i man saonao fumitma i kontrata.

I opiñon debi i ma matka (postmarked) ya u ma resibi gi "online" gi 11:59 p.m. ChST gi Mayu Dia , Dos Mit Benti Sies (May 1, 2026) anai siña ma konsidera gi preparasion i uttimu na EIS/OEIS. I para ma ripasa nu i pupbliku yan i tiempun opiñon inklusu kinsi dias (15 days) mas ma omentayi ginen kuarentai sinko dias (45 days) esta sisenta dias (60 days) anai siña guaha mas kampu para i pupbliku anai siña ma ripasa i dokumentu. Opiñon (comment) siña ma na' halom gi huntan pupbliku, gi che'cho' komputer (project website) osino siña un mail guatu:

Naval Facilities Engineering Systems Command Pacific
Attention: MITT SEIS/OEIS Project Manager
258 Makalapa Drive, Suite 100
Pearl Harbor, HI 96860-3134

Man Saonao i Pupbliku

I man saonao pupbliku gumaigi gi primera na puntu gi papa' NEPA yan i NHPA Seksiona 106 na eskalera. An para ma abansa yan mana' metgut i SEIS/OEIS, i sumopopotta i aksion ma filisita, yan man ma nana'i meritu, yan apresiasion i patisipaon pupbliku.

Para u sinipotta i NEPA yan NHPA Seksiona 106 na eskalera, (Figura Dos), i sumopopotta i aksion para u mana' guaha dos na inekuñok pupbliku gi durantin i rinipasan pupbliku yan i tiempun man na'i opiñon ginen i Matsu Dos esta i Mayu Uno, Dos Mit Benti Sies. I hunta para u inklusu i estasion infotmasion litratu siha ya para u guaha siha empleao yan representanti anai siña ma na'i hao mas infotmasion gi kuestion mu pot i ma propoponi na aksion yan i ma analisa gi oriyān lugat siha. I sumopopotta i aksion para u mana' guaha dididi' na presentasion ya para u tinatiyi nai tiempun man na'i opiñon (comment). Lakkui' siña hao mañgi' opiñon (comment) ya ma aksesepta ha' gi durantin i huntan pupbliku.

Huntan Pupbliku

5:00 to 8:00 p.m. ChST Mababa i Petta

6:00 p.m. ChST Presentasion/Tiempun Opiñon (Comment)

Guahan

Metkules, Matsu Dia Disi Ocho,
 Dos Mit Benti Sies
 (Wednesday, March 18, 2026)
 Dededo Senior Center
 319 Iglesias Circle
 Dededo

Sa'ipan

Huebis, Matsu Dia Disi Nuebi,
 Dos Mit Disi Sies
 (Thursday, March 19, 2026)
 Sa'ipan World Resort
 Beach Road
 Susupe

Notisian Intension para ma prepara SEIS/OEIS Huñio Dia Sieti, Dos Mit Benti Sinku (June 7, 2025)*	
▶	I'lao yan Seksiona 106 Tiempun Man Na'i Opiñon (comment) Huñio Dia Sieti, Dos Mit Benti Sinku esta i Hulio Benti Dos, Dos Mit Benti Sinku (June 7, 2025-July 22, 2025)
Notisian bakantin i timunhahayan na tinigi' (draft) SEIS/OEIS Matsu Dia Dos, Dos Mit Benti Sies (March 2, 2026)	
▶	I ti komplidu (draft) EIS/OEIS yan i seksiona 106 para ma ripasa nu i pupbliku yan i tiempun opiñon (comment period) Matsu Dia Dos, Dos Mit Benti Sies-Mayu Uno, Dos Mit Benti Sies* (March 2, 2026-May 1, 2026)
Notisian Bakantin i Uttimu Na SEIS/OEIS Febreru Dos Mit Benti Sietti (February 2027)	
Ma Dokumentu i Disision (Record of Decision) Juñio Dos Mit Benti Sietti (June 2027)	
*Otdinariu Na Oran Chamorro ▶ Oportunidat para ma ripasa nu i pupbliku yan i tiempun opiñon (comment period) gi papa' NEPA yan Seksiona 106 gi Nasionat na Aktun Antigun Konsetba.	

● **Figura Dos (2) Nasionat na Aktun Areklamentun Eskalera Oriya Siha.**

Gi Dos Mit Benti Tres (2023), i Kongreson Estados Unidos ha opbliga na todū i dokumentun NEPA ti para u komplikao gi numerun i pahina yan i ginagagao na tiempo anai siña u guaha inakomprendi gi pupbliku, gi para u ma ribaha i tiempun ma ripasa yan lakkue' u ma susteni komplidu ma analisaña. EISs debi di u komplidu gi halom dos años ya lakkui menus ki sientu sinkuenta (150) pahena minigaiña osino tres sientos (300) pahina para i mas komplikao na cho'cho', fuera di i otro na dokumentu nai ha supopotta i tinigi' i inestudia.

I Sumopopotta esti na Aksion ha komiti siha na para u guaha siknifikasion-ña i patisipasion i pupbliku yan para u ma infotma i pupbliku gi todū manera nai man ma chocho'gue nu i SEIS/OEIS.